

**PRAVILNIK O ANGAŽAVANJU STUDENATA DEMONSTRATORA VISOKE  
ŠKOLE ZA FINANSIJE I RAČUNOVODSTVO FINra TUZLA**

Septembar, 2021. godine

Na osnovu Zakona o visokom obrazovanju TK ( "Službene novine Tuzlanskog kantona", broj: 7/16, 10/16, 5/17, 15/19 i 9/20) i Statuta Visoke škole za finansije i računovodstvo FINra Tuzla, Senat Visoke škole za finansije i računovodstvo FINra Tuzla na 43. (četrdesettrećoj) redovnoj sjednici održanoj 02.09.2021. godine, donosi

## **PRAVILNIK O ANGAŽAVANJU STUDENATA DEMONSTRATORA VISOKE ŠKOLE ZA FINANSIJE I RAČUNOVODSTVO FINra TUZLA**

### **I OPĆE ODREDBE**

#### **Član 1.**

Pravilnikom o angažovanju studenata demonstratora Visoke škole za finansije i računovodstvo FINra Tuzla ( u daljem tekstu: Visoka škola) uređuju se uslovi i postupak izbora, prava i obaveze te postupak razrješenja studenata demonstratora ( u daljem tekstu: demonstrator).

### **II IMENOVANJE DEMONSTRATORA**

#### **Član 2.**

Demonstratori se biraju za pojedine predmete kao pomoć nastavnicima i njihovim saradnicima tokom pripreme i izvođenja nastave i u drugim poslovima vezanim za nastavni proces te radi pomaganja studentima u lakšem savladavanju nastavnog gradiva i polaganja ispita.

#### **Član 3.**

Demonstator ni na koji način ne može biti uključen u:

- samostalno izvođenje nastave,
- sudjelovanje u ispitivanju drugih studenata,
- individualne konsultacije,
- izradu nastavnih materijala za nastavnika i slično.

#### **Član 4.**

Za demonstratora na određenom predmetu može se imenovati student Visoke škole ako ispunjava sljedeće uslove:

- redovno polaže ispite te ima prosjek ocjena najmanje 8.00;

- da se istakao na studiju, te da je pokazao izvanredne rezultate u određenim naučnim oblastima ili predmetima;
- da pokazuje sklonost ka timskom radu i ima izraženu sklonost ka nastavnim aktivnostima.

#### **Član 5.**

- (1) Odluku o izboru demonstratora donosi Senat Visoke škole na prijedlog nositelja predmeta.
- (2) Nositelj predmeta odgovaran je za rad demonstratora.
- (3) Prijedlog nositelja predmeta za izbor demonstratora sadrži:
  - podatke o kandidatu koji uključuje dotadašnju prosječnu ocjenu ostvarenu u toku studija, te ocjenu na tom predmetu;
  - opis zaduženja koja će demonstrator obavljati.

#### **Član 6.**

Izbor demonstratora provodi se na početku semestra, preciznije u prve dvije sedmice izvođenja nastave u tom semestru, u kojem se predmet izvodi.

#### **Član 7.**

Izabranom demonstratoru uručuje se Odluka o izboru sa naznakom naziva predmeta i razdoblja na koje je izabran.

### **III PRAVA I OBAVEZE DEMONSTRATORA**

#### **Član 8.**

- (1) Rad demonstratora traje tokom održavanja nastave, odnosno tokom semestra u kojem se predmet izvodi, u skladu sa akademskim kalendarom i rasporedom predavanja, kao i tokom redovnih ispitnih rokova.
- (2) Demonstrator je dužan sudjelovati u aktivnostima iz člana 3. ovog Pravilnika, uz kontrolu nositelja predmeta ili njegovog saradnika.
- (3) Nositelj predmeta određuje mjesto rada, obim, sadržaj i raspored obaveza, te zadatke demonstratora.

#### **Član 9.**

Opterećenje demonstratora pri obavljanju njegovih obaveza iz članova 3. i 8. ne smije biti veće od 10 sati sedmično.

#### **Član 10.**

- (1) Demonstrator koji svoj rad ne obavlja u skladu sa preuzetim obavezama iz članova 3. i 8. ovog Pravilnika, razriješit će se dužnosti prije isteka vremena na koje je imenovan na temelju prijedloga nositelja predmeta.
- (2) Demonstrator od nositelja predmeta može zatražiti razrješenje s dužnosti na temelju pisanog obrazloženja.

- (3) Odluku o prestanku rada donosi Senat Visoke škole.

#### **IV VREDNOVANJE RADA DEMONSTRATORA**

##### **Član 11.**

- (1) Demonstratoru se za rad može isplatiti novčana naknada u vidu umanjenja školarine za tekuću godinu.
- (2) Odluku o isplati i visini novčane naknade donosi direktor Visoke škole
- (3) Novčana naknada demonstratorima se isplaćuje iz sredstava Visoke škole.

##### **Član 12.**

Po završetku semestra tokom kojeg je bio demonstrator, studentu se izdaje potvrda o odrađenoj obavezi.

#### **V PRIJELAZNE I ZAVRŠNE ODREDBE**

##### **Član 13.**

- (1) Popis demonstranata za svaku akademsku godinu objavljuje se na Oglasnoj ploči i web stranici Visoke škole.
- (2) Visoka škola treba u skladu sa mogućnostima osigurati prostoriju za rad demonstratora.

##### **Član 14.**

- (1) Nositelj predmeta obavezan je na početku izvođenja nastave iz svog predmeta informisati studente o angažovanju demonstratora i njegovoj ulozi u provođenju nastavnog procesa.
- (2) Ako na nekom predmetu na kojem je imenovan demonstrator dođe do njegovog razrješenja s dužnosti, nositelj predmeta može Senatu Visoke škole uputiti prijedlog za imenovanje novog demonstratora.

Član 15.

Ovaj Pravilnik stupa na snagu danom donošenja.

Broj: 02-641-27/21

Datum: 02.09.2021



PREDSJEDAVAJUĆI SENATA

Dr.sc. Ismet Kalić, vanr. prof.